

海康縣志卷之六

人物志

必出爲伊傅處爲顏閔而後謂之人物從橫數千里上下數百年度幾一覩乎未可知也才之生也以世異士果麟角自珍則奉其進退餘裕之身以周旋於朝堂於閭里任所遇而不朽之真在焉史臣之筆月旦之評無古今一也奚必薄今而愛古若夫周官六行孝睦與任卹同稱事苟可風人無求備並錄於篇以見善善從長之義云作人物志

海康縣志

卷之六

人物

一

唐

陳文王白院人世傳陳大建中其家出獵得巨卵異之歸置諸庭雷震卵拆得一男子卽文王也生而明敏長涉獵書傳唐貞觀舊志作陳大建時辟茂才仕本州刺史精察吏治巡訪境內甦民疾苦懷集峒落諸酋相繼輸欵厥後鄉人立廟塑像以祀之祀

鄉賢

宋

吳國鑑紹聖中爲太廟齋郎後退居於家先是居

民舍寇準爲丁謂所害自後無敢留遷客者及蘇  
轍安置雷州莫謀所止國鑑慕義不顧私害特築  
室館之已而果坐臯畧無悔意祀鄉賢

陳汝達少博涉好修隱居不仕值宋祚將移雷已  
不守汝達老且病恐身後襲元國號預刻石碑題  
曰有宋陳四五公之墓囑其子曰慎弗改也墓在  
擎雷山屢經兵燹碑不剝落人以爲義氣所感云  
元

王景賢字希賢別號愚谷登鄉舉爲邕州路教授

陞天河縣令尋擢清江路推官致仕學富行修著  
作超逸皆抒自胸臆文宗潛邸時出居海南道經  
雷景賢以詩進覽之甚喜手書愚谷二大字賜之  
天歷中復賜以六花宮袍鄉人榮之祀鄉賢  
吳國寶衛籍性孝友父喪廬墓大德八年境内蝗  
害稼惟國寶田無損人咸異之以爲孝感所致  
陳杞字楚材少孤從學於舅氏王景賢淹貫羣籍  
領鄉薦不樂仕退居山中教訓生徒究性命之學  
海之南北學者咸受業其門所居里曰義江元末

雷盜熾起過其鄉輒相戒曰此陳先生里也不可  
犯其行誼素著服於強暴如此祀鄉賢

明

黃惟一字誠齋大浦村人洪武間舉孝廉伊河南  
道御史端謹廉介終始不渝致政歸見本州東溪  
地堪墾闢奏請興水利溉灌成田二十餘頃民霑  
其利

周德成東井村人初爲泰康大使遞運萊州洪武  
庚申以明經薦擢休寧令單車至縣裁剽如流邑

海康縣志

卷之六

人物

三

籍民三萬餘户里甲藉吏爲奸德成悉釐正之有  
丁蠻兒故無賴橫里中格殺小旗人莫敢指府詢  
之不屈下其事於德成至則俛首曰公在余尙何  
辭它邑中有冤滯者悉藉德成爲白其辨割牛舌  
卽首私宰者與包拯在端事相合餘如此類甚衆  
故時以爲孝肅復生邑故衝四方遊者接軫民疲  
不勝其役德成懸一車於縣俟強索者卽身代舁  
之諸遊者以非使命至噤不敢請在任七年事無  
巨細凡便於民罔不畢舉會以他累逮至法曹民

號泣詣闕願籍產保其無它尋賜還又以軍誤逮至兵部民詣之如初比得白病於旅邸而卒邑人聞之若喪怙恃衆輿其喪還休寧葬於城之南大學士劉三吾爲之銘後士民捐資還葬故里妻蘇氏子一女一無所歸民共市田代畊以終其養祀鄉賢

何炫燭洪武間領鄉薦歷太平松江建寧三府教授善啟迪所至以文學著名兄炫華同舉於鄉登進士爲監察御史

海康縣志

卷之六

人物

四

林文亨

東林人其裔有移居上家苧者

永樂壬午中鄉試第一登進士

歷官戶部員外郎性淳謹無貴顯態鄉閭重之

一見

統志

黃本固字寧區惟一姪住白沙村永樂甲申登進士知馬平縣泣政清敏性嫉惡劾奏馮內侍反爲所搆削籍還巡按唐舟等疏其無辜尋起用至省疾作歸卒於家祀鄉賢

張昊領永樂甲午鄉薦授廣西馬平知縣有惠政民立祠祀之家居清貧不與豪士聚會俗爲一變

李璿領永樂庚子鄉薦授教職陞知縣擢監察御史廉毅有直聲景泰初廣賊黃蕭養攻省城幾陷璿素負才猷爲時簡拔奉調士兵二萬協同總兵官進討遂誅蕭養賊平陞江西按察司僉事未幾致政歸杜門謝客囊無剩物惟喜讀書至老未嘗釋卷以恩例進階叅議祀鄉賢

吳雯恬靜博學不俛仰於時篤宗誼長於詩賦所著有譙樓記及家範宗譜諸稿事寡母劉怡色和顏有堂匾曰愛日郡丞陳聞而嘉之爲之紀其堂

而叙其譜當路欲辟之雯以老母不欲離膝下辭不就士大夫靡不重其孝行云

羅紳廉介寡欲讀書講經濟由胄監任鬱林知州時值蠻賊肆掠紳協同哨守相機却敵城賴以究招撫渠魁胡公威等三千餘人安置陸川諸屬邑賊遂屏息卒於官

馮鑑雷州衛人器格嚴重領順天己卯鄉薦選授湖州府通判以公廉自矢到任首革糧長饋遺甫三月丁父艱歸服闋補永州府彌勵厥守一意革

弊徵收羨餘毫無所染踰載聲譽赫然聞母訃卽  
行郡守贖以金比出境封以還之再補黃州府病卒  
羅章紳子領成化戊子鄉薦任袁州府學訓導教  
養士類亶亶不倦矢志高尚年五十卽致政歸授  
生徒吟咏自適文行爲時所欽太守魏瀚尤加禮  
重每有建置徵文以紀所著有宜陽唱和稿

陳時雍芝林村人貧苦力學領嘉靖乙酉鄉薦操  
履儀度有先輩風時後進多出其門少失怙事母  
至孝愛友孤弟絕無間言時內官趙蘭鎮守珠池

海康縣志

卷之六

人物

六

恣行剽掠雷廉之民苦之雍率士類抗言於當路  
蘭竟革去祀鄉賢

馮彬字用先雷州衛人嘉靖乙酉舉於鄉己丑成  
進士任平陽令以內艱去補上海令並有卓異聲  
上海素稱繁劇最難治彬至汰雜徵省里費覈詭  
寄審糧役俱深中窺會俗多用火化有化人亭立  
毀之諭以禮葬有婦美而貞姑逼之淫不從遂與  
所私者共刃之廉得其情悉按以法而表其婦之  
墓事具副使唐錦記中以薦召爲侍御史首疏備

邊策特旨嘉納扈駕至承天恩賚金幣出按廣西  
大揚風紀谿峒蠻獠莫不震驚歸化恐後尋補松  
江守興學校恤孤糶政持大體不事苛細松江民  
無智愚皆載之竟以狷直解任比歸屏跡公門恂  
恂里杜中絕無貴人態彬邃於理學且嫺詞賦所  
著有桐岡集嘗修緝郡志卒祀鄉賢

林鳳鳴領宏治甲子鄉薦三歷教職湖廣分考擢  
國子助教與纂實錄勅書褒嘉出判南寧陞道州  
守爲政興學校率孝悌令譽赫然歷任三十餘年

清介不朽致政歸行李蕭然鄉閭仰德云

林思貞少孝友苦志力學嘉靖中由群庠貢入太  
學授閩連江知縣歷任幾三載政尚廉平時邑有  
水災生員楊瑩一家溺死六人其他溺者無算悉  
捐俸治棺瘞之士民咸頌其德以病歸行李蕭然  
送者遮路無不流涕

詹世龍博仁村人嘉靖中由選貢任桂林府訓導  
庚子科中廣西鄉試轉文昌教諭時文昌以魚課  
米折諸生廩餼經年莫給申請院道革之至今士

賴焉丙午聘典江西分考所得皆文士尋陞平樂知縣北陀背化已乂世龍招服之境賴以安士民立碑紀績擢上思知州建城關路興學恤民詳見上思官志以內艱歸因致政結茅潭津講解心性後學宗之

陳時亨芝林村人嘉靖間由選貢任廣西恭城訓導後領廣西辛卯鄉薦與兄時雍並勵操儀友恭備至生平與物無競有構爭者轉相謂曰何不學時亨兄弟蓋一時比之王彥方云

張能博學善詩雅有行誼弱冠教於鄉事寡母至孝督學趙公按試特嘆獎之令補郡庠生不願就時論重之所著有朴菴集

莫天賦字子翼東嶺村人賦性介直嘉靖己酉領鄉薦壬戌成進士除莆田令治行大振莆人思之祀諸祠擢南刑部主事晉郎中出守大理蠻僕雜處最難治天賦因俗爲政民以獲甦時比之召杜陞廣西右江道兵憲便道歸卒於家祀鄉賢子爾先由太學領萬歷戊子順天鄉薦公車還屏



跡公門孜孜策勵惜嗇於年

顧汝鐸雷州衛人少補郡諸生每試必獲巔處詞賦奕然可觀與兄汝鑑相砥礪性至孝三世之喪躬自襄之更以及親族之未葬者屢爲督學所獎賞由選貢入太學旣歸翛然有塵世之想購書博覽慕古作者志未竟而卒貧且無子悲夫

吳大謨少補邑庠以孝謹聞父鍾由歲薦入成均歸得目疾大謨多方療之私籲天曰吾父以明窮經因以經窮明天若憐余願減余算以瘳父目竟

不愈大謨朝夕左右卽度母弟不以代也妻李氏所以事翁者一如大謨鄉人翕然稱大謨賢督學使者屢旌其行孫良允俱以行誼有聲鬻序世家孝謹爲時推重云

林斐少喜讀書年三十八膺歲薦善事繼母宮氏視繼妹如同出厚奩嫁之學道張李二公益重其內行旌以扁生平慕義好施周給隣族貧乏居家塾擇弟姪穎秀者出資買書教之築江濱館每年就學者四五十人不責脩贄有赴京乏資者輒質

田取銀以贈宦歸不償亦竟不取也及終人指其墓曰林師宅墓子淑以石城學山貢將上銓曹卒

扶柳村人中萬歷乙酉鄉薦性嗜古於書無不讀尤喜詞賦嘗效杜少陵同谷詩作七歌意調悲壯爲時傳誦居父喪哀毀盡禮偶得疾卒人有懷竒未展之惜子鳳翔孫元芳皆膠庠宿學克振家聲云

林起鷺少篤學有遠志領萬歷戊子鄉薦一意鉛

槩以澹約自甘屏跡公門他事毫無所與家庭之內怡怡如也壬辰卷已中式填榜時以數字未馴裁落時論惜之歸家孜孜向學毫無怨尤意識者謂其器量尤不可及云

陳治明博覽子史長於詩嘗拾遺金候其主來還之主問姓名不告而去時有謗縣令鮑者鮑索之明對曰止謗莫如自修必求其人則鑿令重之匾其門曰齒德尊崇直指察善士邑舉治明以應屢飲於鄉

袁劉芳領萬歷辛卯鄉薦知湖廣新寧縣以循廉稱當道疊薦陞浙江紹興同知海塘圯親行相視修築以勞得疾卒紹人哀思之

吳兆亨三歲喪父母陳氏矢志養之

見貞節

母病篤

兆亨朝夕號慟焚香疏天願以身代母病遂愈人以為孝感所致兆亨補郡庠督學羅萬程袁茂英皆獎其孝行

陳堯道少事祖母有孝行由恩選任撫州經歷老而嗜學睦族濟貧人稱其盛德

梁永年邁坦村人持已端方苦志篤學領天啟丁卯鄉薦任湖廣東安令寬刑薄賦振作士類以治行稱因山寇劫城致政居家十餘年勤課以迪後學孝友以訓鄉閭屏跡公庭望重月旦郡邑高其行誼

唐東鶴官塘村人制行端重才學優長粵闈三中副榜由選貢任福建政和縣丞絕苞苴清訟獄夜不吠犬庭可羅雀以異政陞本縣知縣遭亂未任致政歸宦囊如洗有詩稿刻入石倉詩選行世

梁羽翰號鵲起少負才名力學不倦領天啟辛酉鄉薦崇禎癸未成進士因甲申之變歸家杜門不干仕進時同榜在要津者頗多丁亥歲有同年趙最守雷多方勸慰誘其出仕輒以各行其志拒之絕無趨時附勢之念是年卒於家二子遇饑荒相繼而亡

案舊志修於康熙二十六年不過採輯洪氏郡志而已而洪志修於康熙十一年故人物一門止於明季非

國初三四十年間無樹立卓卓之士或由修志時其人尚在故未着錄今考其時有行事着聞而當年未經立傳者有舊志無傳而通志已有傳者共得二人採以增補之俾潛修偉士不至湮沒弗彰以其人皆生於前明故係之明代人物之末其舊志元代選舉門陳九思名下註有傳今無可考謹闕之

陳應魁爲郡諸生自幼以孝友著太監趙蘭鎮守珠池奪民間產業應魁父享有富名被逮笞撈不

堪應魁痛父將危徃代其父蘭竟加以炮烙之刑  
遂死士大夫爲詩挽之

據通志  
增入

莫天然字亞崖庠生天賦弟少好讀書寡言笑  
皜自濯浣絕不作貴介態家富有好施與其及於  
族則有祭田四十石以供祠祀義田一百石以俟  
族之不任舉煬者不掩脛者與不任委禽而結褵  
者襁者櫛者不能具贏博者習舉子業而不能自  
振者給各有差及於邑則有府縣學之科資田以  
助邑人士之赴舉者令譽播於一時萬歷間屬使

海康縣志

卷之六

人物

十三

者行部廉得善狀爲請孝弟茂才爵一級以示旌

獎

補傳

國朝

吳馬期字克濟由歲貢任始興訓導生平清簡厚  
重充宏獎士類爲諸生時設帳於家一時學者從  
之如華陰之有市陳瓚其高足也瓚故貧馬期教  
而兼養迄於大成士林至今猶能言之

陳瓚字文煥一字眉川東湖村人康熙甲戌進士  
授福建古田令以廉能調臺灣行取入刑曹遷郎

中充己丑禮闈分校稱得士大學士阿克敦其首選也尋擢四川學院一切陋規却弗受調臺廈道舊例有應得銀三萬兩悉屏之臺本舊治稔知其弊政至是乃請革官庀除酷吏恤番民又鼎新學官宮之旁建紫陽祠每公餘輒與諸生講明格致誠正之學崇文山北稱爲海外鄒魯甲午陞偏沅巡撫

陞見時奏對稱

旨改巡撫福建益勵介節疏請撥巡撫公用銀充兵

饒不

海康縣志

卷之六

人物

十四

允仍請并所積俸銀解粵爲郡東洋修築海堤工費

許之撫閩三載吏畏民懷稱大治然溯自筮仕古田至

躬膺節鉞凡二十年所有案牘皆手自經理未嘗

延致幕客亦瘁甚矣積勞成病以戊戌九月乞休

上慰留之十月卒於任

朝廷震悼追授禮部尚書祭葬如尚書禮謚清端立

碑墓道廕一子入監讀書雍正十一年奉

旨入京師賢良祠祀府縣鄉賢祠

**通志傳**陳瑣字文煥號眉川幼穎異好學爲人清

介簡重康熙癸酉登賢書甲戌成進士初授福建  
占田縣知縣有能聲調臺灣禁革水丁舊例渡海  
貧民感之內遷部曹己丑會試分校稱得人遂授  
四川學政不二年調福建臺廈道以閩撫張伯行  
薦也臺雖居海外而

皇風遐暢文教日興瓊因鼎新學宮建宋儒朱子祠於  
學之右示臺以格致誠正之學凡所甄拔蔚有文  
采恭刊

聖祖仁皇帝訓飭士子文勤宣

海康縣志

卷之六

人物

十五

聖諭海外烝烝嚮化矣居五年

命巡撫湖南

廷見曰

聖祖目以昔行老僧稱爲國家祥瑞

寵賜

御製詩章及貉裘等物

命巡撫福建閩人聞之而踴躍撫閩官厨惟進瓜菜清  
風苦節視前彌勵整綱飭紀吏畏民懷頌聲溢於  
道路三年卒於官

聖祖軫惻追授禮部尚書

賜祭葬立碑謚清端廕一子八監讀書其宣力封疆

克致

主恩若此初雷郡之東有洋田萬頃計堤岸一十七處

水閘一十三處俱逼大海鹹潮冲嚙漸多圯傾海

遂二邑民命攸關瓚常蒿目及官閩撫遂請築之

聖祖下其議於粵粵臣咸曰可因舉其事堤工鞏固此

大有造於桑梓者也至其孝友性成篤親念故博

綜今古宏獎後學嶺海之賢此爲矯矯矣

莫吾昭字乾侯康熙辛酉拔貢教習正紅旗官學

海康縣志

卷之六

人物

十六

生期滿授紫陽縣知縣甫到任卽設義學延師教

士縣爲浮糧遺累多逋戶躬親履畝勘丈凡額存

田荒者申請題豁漸以安集蒞任六年以母老乞

歸終養而卒

陳居隆瓚長子領康熙丁酉鄉薦瓚卒於任居隆

自閩扶櫬歸粵官僚賻金悉辭不受雍正元年舉

孝廉方正 賜六品銜五年會試中明通第二授

刑部江西清吏司主事尋以母老告歸終養家居

數十餘年問視之暇教授生徒泊如也



丁鴻猷庠士康熙初年上盜楊二張彪等肆虐宗族逃散鴻猷多方安集無產業者給之田不能娶者助之財俾奠厥居壬辰癸巳歲饑視族里之困者量口而與之穀所全活甚衆嘗有盜夜竊覺而諭之曰爾饑寒何不告我而爲此予錢一千戒以改行盜謝而去後果從善二子長兆啟康熙庚午舉人歷任巴東秀水縣知縣所至有政聲嘗著功過格以自警次兆昌歲貢生望重鄉里蓋其家教然也

陳士奇字英相原籍瓊山康熙初以海外多寇避地來雷於南田村居焉去村半里許有太平村譚族居之又半里許有新橋村馮族居之時雷亦多土寇二族益饒於訾各募丁壯備攘攷然故有隙動輒聚衆械鬪士奇周旋兩姓間曲爲譬解卒歸於好初士奇卜居數處皆薄置恒產以其鄰不足資友助輒棄去至是乃得攸宇墾田立戶漸臻裕士奇旣釋兩姓之爭自是鄰里間或有齟齬相與質之數言調處亦無不相悅以解士奇於

已之事從不以干於人而在人之事不敢謂無與於已然性耐事雖甚橫逆視若飄瓦故終其身無厭惡之者今郡人計稅戶數科名至南田亦屈一指蓋其遺澤云

陳其璋康熙戊寅拔貢家素裕好周人急以杜務紛擾差役叫囂自捐貲抵補不使爲鄉里累壬辰癸巳歲凶傾困出粟以濟之其璋嘗受業於陳瓚卒之日瓚子刑部主事居隆誌其墓曰吾先君居官義在不取先生居里義在能與人不以爲阿其

所好云

陳元起領康熙丙子鄉薦選永福縣知縣之官之日一僕相隨不携眷屬在任八年案無積牘門絕苞苴及告病歸囊空如洗福人醵金贖之勉受十餘金餘悉辭之傳之者以爲是劉寵之錢也

官清擢雍正癸卯

貢

廷試第五選大埔學教諭

未及赴任而卒爲人淡泊寡欲行止謹飭嘗與浙江優貢張元彪同在國子監肄業爲同年密友後元彪任海康縣令赴任時一謁後非公不至彪曰

官同年之行余不及也卒時元彪作詩輓之有不隨死亡之語太史饒慶捷誌其墓

王定九字乾用中乾隆戊午解元苦志讀書爲文主於清簡遺稿無多而自成一格蓋樸學也任中江縣八載留心民瘼有訟者開導多方懇到之意溢於言表挾忿而來者徃徃歸好而去解組歸時士民作攀轅圖以送之

黃省傳字習甫增生三歲失怙及長事母倍謹至老猶爲人言憶十四歲時偶悞觸其母一言一生

悵恨不釋母死廬墓三年偶有徃還必詣壟所跪白其事若出告反面者然其天性肫摯有足風者嘗結廬北山教授有羅雀者輒買放之從禽者相戒不入其林

官介字石菴領乾隆乙酉鄉薦性剛直門內之政肅若朝典事其兄庠士維揚雖燕見必命之坐然後坐年六十餘猶然其教子弟生徒以整齊嚴肅四字爲先儒主敬存誠入門正路故出其門下者率自立崖岸不苟同於流俗嘗會試歸舟至瑞虹

湖風浪大作幾覆榜人倉皇失措同行高州舉人  
李愈青等亦而如焦土坐不寧席介正襟言曰天  
將使吾輩葬魚腹中則委心受命可矣非然必無  
患盍安之有頃風息渡湖布帆無恙衆皆欽其定靜  
陳河書字龍溪乾隆辛卯 恩貢性剛直族里有  
爲非者輒面折之復曲喻之不改不止尤篤內行  
兄淵書夫婦相繼逝遺子昌嫫昌姚撫之與其子  
昌齊昌姜往來家術間非親故不別其孰爲子爲  
從子也中年設帳家塾以課諸子兼理舊學而昌

嫫卒成歲貢昌姜亦以廩生援例貢昌齊以進士  
起家皆未嘗負笈從他師其由來可溯已晚年念  
其祖士奇自瓊遷雷宗譜久佚乃渡海而南至太  
乙村與宗人登山越嶺遇古墓碑碣捫苔剔蘚拓  
視之得曾祖以前各瑩域又彙在瓊所存各殘譜  
鈎稽考訂得其世系行輩居一年撰成分合二譜  
携歸倡建祠堂供祀事迄今海南北時相往來云  
昌齊案舊志人物門凡一善可稱皆統載之似  
欠分晰今採自

國初以來稽之實行證之輿論文設爲其時其地以揣其意量所至必確有自立之操可出可處者而後列之人物餘則別立專目附之夫崑岑之璧或含纖瑕隋侯之珠不絕微類然而光馳千里價比連城者小疵不足以傷大美也良木枝蠹其不蠹者固良木也而全樹棄之縟錦寸污其不污者固縟錦也而全匹蟠之非能取材者也齊桓之用人也得其大畧而諱其小惡夫子之觀人也見其一善而忘其百非史傳之垂悉

遵斯道茲所纂集蓋亦從之謹識於此以明其節取之意云

敦睦

附

鄧可選廩生少孤母石氏守節撫之家計蕭然忍饑誦讀朝夕往來鄉塾常荷石一擔師問之對曰未知學業成否不預勞筋力將來恐無以養母稍長補弟子員應鄉試携魚鯊一具以供膳食之美因留一半歸以遺母時號爲魚鯊生知府聞其行延入署教子題其門曰孝義兼優爲其母詳請

旌表

蔡演業順治間前朝弊政掃除未盡稅荒役重族多散亡演業悉力墾復俾其還定復建家祠置祀產以爲永遠收族計聞其妻兄子程世則避賊於瓊失所甚渡海尋之以歸撫如已子至於娶婦生子乃折箸各居演業晚年生子卜達爲賊所擄亦賴世則計救而歸論者以爲薦厚之報云

張卷墨字繩齋由乾隆癸酉科拔貢充正白旗官學教習任保昌學教諭調任崖州學正卷墨夙優文行待諸弟極其親愛及任廣文則日與博士弟孜孜講學從之遊者不啻坐春風中也善八法後學索書者幾如永師鉄門限故事至今父老猶能言之

吳秉謙字益之廩生好讀書不問家人生產能文尤工詩賦一時學者爭師之邑中知名士如鄉薦鄧肇翰歲貢吳台璧吳粹紹皆出其門嘗於鄉闈被放後作詩以自勗云鐵硯能穿堪論命金丹應煉不憂貧其志蓋可知已性孝謹父喪遵古人未葬不釋服之制泣守喪次者三年未嘗出門戶鄉

人難之

蕭國相例貢生其父顯祖嘗捐田十一石爲本支祠堂祭祀教讀之需國相繼而行之期於合族皆被其澤將舊捐田經理生息增置田七石又捐已田二十八石置諸族祠每歲除祭祀修祠外餘租均爲二十等養老宗子族正周困之穀各一大學之穀六小學之穀二科資之穀三倉儲之穀五做古義田之制立爲規條勒石族之人多賴之

黃憲與兄分產多年兄卒後生事零落諸姪男女十餘人不能自存憲仍撫養之秀者命之讀曾者命之耕一切婚嫁視若已子又人各分田數畝令其各自治生或歲荒不給仍周贍不吝巡撫王安國旌其門曰誼周一本

蔡錫極字季敷監生篤於內行嫂蘇氏一門三喪不能葬鬻產助之履中維權皆族姪也履中幼孤母嫁家無立錙收撫長成爲之娶婦置產維權少孤自鬻遠鄉憐而贖之時時周贍俾無失所族弟彭孤貧並得廢疾不能娶亦無有嫁者乃出金求

女以婚之晚年與其兄謀建祖祠不辭艱鉅繼而  
又建本支小祠集兄弟子姪於其中延師訓督之  
陳德佳郡增生有至性兄弟五人德佳居長自幼  
友愛寢食與俱遊處必偕至老無異三世同居和  
順雍睦家雖清淡而族中休戚其之社中並稱其  
賢德云

程名儒監生生平持身接物以敬以誠尤勲勲於  
宗族之際族中有無賴子者浪蕩不務生產時切  
戒之久悟名儒卒搥胸號泣曰天不欲使人遷善

耶何爲奪此與人爲善之人也百日內不離喪次  
若孝子焉其感人若此

林碩字韜叔附貢生好讀書至老不倦所著有困  
知錄家頗饒而自奉甚薄獨喜爲義舉建祠置產  
設立規條凡勸學助喪救荒皆有法族之貧者常  
霑其惠人號古風先生

吳廷魁府學增生性質端謹家貧惟以筆耕餬口  
應試郡寓有女來奔拒弗納又嘗夜宿鄰家寡婦  
出見語挑之急以正論亂其辭婦投以金揮不受



未明而歸後永不至其門篤於同氣之誼僅有田數畝盡鬻之以償其兄宿負人尤難之

丁騰章字倬雲增貢生性行醇謹事度母如母嘗有兄弟鬩牆勢將成訟極力理論卒使如初乾隆己酉年饑鄉人大困乃儉食出穀以倡力勸有穀之家酌量共濟之不能舉火者賴以存活閭里稱善人焉

官傑少失怙事母倍謹弟端悞殺人將抵罪心知母憐其弟未有子嗣跪而請於母遂毅然投官代

海康縣志

卷之六

人物

二十五

認獄成流貴州二十餘年遇 赦歸籍

任卹

附

黃斐昭歲貢生任增城學訓導爲諸生時嘗應鄉試省寓中有女子十餘歲見輒淚下叩之乃其前妻王氏妹也少被寇擄鬻於此立解腰金以贖不給貸於同寓者足之携歸爲已子厚其奩以嫁後司鐸增城殷勤訓迪解組日生徒有送之抵家者卒年九十四歲

程世則順治初隨父避盜瓊南父亡無依姑夫蔡

演業航海尋歸其後演業生子卜達九歲夜爲土  
賊擄去世則隨僞爲賊裝與賊更番負戴所擄貨  
物至僻地與卜達逃歸以云報也世則晚年家漸  
饒裕有同姓數家居其村不事生產割已田十數  
畝以贍之數家之子孫至今猶賴以存活

鄧宋濂庠生性慷慨好施予康熙壬辰癸巳連年  
饑荒出穀以濟并設飯於門俟饑者過輒與之食  
妻父陳世治貢生無子死之日無立錐地族中不  
欲議繼濂乃割已六十石租田與之共擇其族子

之良者立爲世治嗣聞者莫不多其義

譚宏畧貢生生平輕財好施充勤於緇衣之好陳  
瓚微時一切讀書應試之資皆其伙助瓚嘗題其  
書室曰尋樂齋瓚通籍後敷歷中外猶時有書札  
徃復及巡撫福建作長聯寄之有識取孔之思顏  
之卓將同見在田躍在淵之語其期許如此

宋仕偉賦性醇樸樂善好施每以歲饑賑粟鄉里  
間稱曰善人省大吏錫匾旌之孝廉丁兆啟誌其  
事於墓碣

陳余備監生東洋堤閘崩官欲修之而艱於派費  
乃自捐銀三百兩以資繕築每遇歲饑輒出穀以  
濟貧一時好義之名聞於當道巡撫準某學使孫  
人龍雷瓊道謝擢知府黃錚並賜匾以旌之

壽考

謹按會典開載壽民壽婦均以百歲爲準又有丁皂保連閩準作百歲之案今遵之其年未如格而五世同堂者亦載於後

卓不顯壽百有四歲康熙二十八年 賜養老  
銀二十兩三十二年 賜坊架銀五十兩坊曰  
盛世人瑞

海康縣志

卷之六

人物

二十七

陳元裔壽百有五歲乾隆四十五年知府陳景墳  
知縣陳香德諭請旌表坊曰昇平人瑞

陳經綸壽百有一歲受 恩賞三次嘉慶元年  
知縣徐錫智送聯云歷昇平世四朝春榮百歲綿  
瓜瓞於五代瑞契九閭詳憲咨部

陳朝賓壽九十有九歲

宋宗緒壽九十有八歲

沈龍會壽九十有六歲以讀書訓蒙童爲事年二  
十九歲舉子九十三歲得元孫五代同堂

周建壽八十八歲妻鄺氏壽九十歲家頗裕恬淡自  
安年二十二歲生長子八十三歲生元孫五代同堂  
李朝芳壽九十歲年二十五歲生子八十八歲生  
元孫五代同堂

義僕附

梁義僕失其名黃運家奴順治間黃占三王之翰  
占據西土以蓮抗節不服率衆殺其族盡時蓮子  
鳳方七歲梁負之而逃賊退歸家多方保護并經  
理其家計終身服役不懈死無私蓄今黃氏蕃昌  
乞成巨族梁之力也

海康縣志

卷之六

人物

二十八

余進才庠士陳雅言家僕黃占三黨岳之鼎擄脅  
雅言人夥雅言不屈遇害進才欲報之投身軍營  
約勇敢兵數人潛入賊巢斬之鼎頭持至雅言墓  
所祭奠父老相傳至今稱之